

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Fünff Bücher, Vonn Kriegs Regiment vnd Ordnung, Wie sich ein jeder Kriegszmann inn seinem Ampt vnnd Beuelch halten soll, was zu anfang eines Kriegs zuerwegen vnnd zubetrachten sey, Auch vonn ...

Fronsberger, Leonhardt

[Franckfurt am Main], 1558

VD16 F 3129

Wachtmeisters der Reisigen/ Ampt/ Beuelch vnd Eyd.

[urn:nbn:de:bsz:31-41862](https://nbn-resolving.org/urn:nbn:de:bsz:31-41862)

Von aller hand kriegsrüstung vnd gebrauch/

Sein besoldung ist Monats N. gulden/ im werden gehalten zwen Trabanten vnd ein eygner wagen/ vnangesehen ob er schon die anzahl pferde das rauff ein wagen verordnet/ mit hat.

Wachtmeisters der Reysigen/ Ampt/ Beuelch vnd End.

Des Wachtmeysters Ampt der Reysigen erfordert einen kriegserfahrenen/ geschickten/ ehrlichen gesellen/ der ein verstand habe/ in besatzung der wachen sein vorteil zuversehen vnd verstehen/ wiewol er die Wacht nit allein auß seinem kopff/ sonder nach berathschlagung vnd beuelch des Obersten vnd kriegsrath besetzen soll/ So wil doch auch die notturfft/ sein stand vnd Ampt erfordern/ das er für sich selbs der sach geschickte vnd verstanden sey/ damit er vor andern gute anschleg vnd Rath darzu zugeben wiß/ nemlich an dem ort mitt so vielen/ an ihenem ort mitt so vilen pferden/ da die Statt/ dort die Schiltwacht/ Das er auch wiß sein ordnung in Kotten vnder den Reysigen zuhalten/ auch die losung vom Feldmarschalck zunemen vnd den Reuttern so wachen oder Stard halten sollen/ zugeben/ inen auch bescheyd vnd vnderweisung wiß zugeben/ wie sie sich auff der wacht vnd stard halten sollen.

Zu dem sich auch offte inn nöten viel begibt/ das die kriegsrath vnd Obersten mitt andern geschafften beladen/ selbs nit darbey können sein/ so soll er dann für sich selbs auß eygner geschickligkeyt vnd erfahrung der sachen vnd seinem Ampt/ nach erhayschung der notturfft genug thun.

Sein pflichte wird ime nach des kriegsherren meynung auff sein Ampt vnd Beuelch gestellt/ vnd ob ime ettwas weytters zuversehen/ es were in Rathen zubrauchen/ odder sunst treffenliche geschaffte aufzurichten angehendt würden/ werden dieselbigen auch in der pflichte eingeleyt.

Sein besoldung ist Monats N. gulden im werden gehalten zwen Trabanten/ vnd beschicht ihme mitt haltung der Reiswagen der gepür nach vorteil.

Des